

# Ginpaalam ni Jehova si Solomon

1 HARI 2:10-6:1; 11:1-40; 1 CRONICA 22:6-16

TIGULANG NA SI HARI DAVID, KAG NABAL-AN NIYA NGA ANG IYA BATA NGA SI SOLOMON AMO ANG MANGIN HARI SANG ISRAEL SA ULHI.



SOLOMON, PALIHUG UPDI AKO SA PAGLAKATLAKAT.

SIGE, 'TAY.



SOLOMON, GUSTO NI JEHOVA NGA IKAW ANG MAGBULOS SA AKON SA PAGHARI.



INDI MAHAPOS NGA MANGIN HARI. GUSTO NI JEHOVA NGA MAGHIMO KA SING MATAHOM NGA BALAY PARA SA IYA,



PERO MABUDLAY INI NGA OBRA. GANI DAPAT MANGIN MAALAM KA.



PAMATAN-ON PA 'KO 'TAY, KAG INDI PA 'KO KABALO KON PAANO MAGGAHOM.



PANGAYO KA SING KAALAM KAY JEHOVA KAG TUMANA SIA. IHATAG NIYA SA IMO ANG KINAHANGLAN MO.



NAPATAY SI DAVID PAGKATAPOS  
MAGGAHOM SING 40 KA TUIG KAG  
SI SOLOMON ANG NAGHARI SA ISRAEL.

NAGKADTO SI SOLOMON  
SA GIBEON PARA MAGHALAD  
SA DIOS.


PAGKAGAB-I, NAGPAKITA  
SI JEHOVA KAY SOLOMON  
PAAGI SA DAMGO.

MAGPANGAYO  
KA SANG GUSTO  
MO NGA IHATAG  
KO SA IMO.


PALIHUG HATAGI AKO  
SING MATINUMANON NGA  
TAGIPUSUON SA PAGHUKOM  
SA IMO KATAWHAN KAG SA  
PAGHIMO SING DESISYON.

HATAGAN KO IKAW  
INDI LANG SING KAALAM  
KAG PAGHANGOP KUNDI SING  
MANGGAD KAG HIMAYA.  
GANI PATIHA PIRME ANG  
AKON MGA SUGO.






NANGIN MAS MAALAM SI SOLOMON  
SANGSA BISAN SIN-O NGA HARI  
SA DUTA. SA BULIG NI JEHOVA, . . .



NAHUKMAN NIYA ANG  
MABUDLAY NGA MGA KASO.



NATUN-AN NIYA KON PAANO NAGATUBO  
ANG MGA TANOM KAG KON PAANO  
NAGAKABUHI ANG MGA SAPAT.



NAKAKOMPOSO SIA SING  
3,000 KA HULUBATON.



NAKANEGOSYO SIA UPOD SA MGA  
NEGOSYANTE HALIN SA IBAN NGA LUGAR.



NAKAHIMO SIA SING MGA BILDING SA JERUSALEM KAG SING MGA SIUDAD SA IBAN NGA BAHIN SANG ISRAEL.





NAKASULAT SIA SING 1,005 KA KANTA.



NAABI-ABI NIYA ANG MGA MANUGGAHOM HALIN SA MALAYO NGA LUGAR NGA GUSTO MAMATI SA IYA DAKU NGA KAALAM.

NAKAPATINDOG SIA SING TEMPLO PARA SA PAGSIMBA KAY JEHOVA.



PERO NANGIN INDI MAALAM SI SOLOMON SANG . . .



WALA NIYA GINPATI SI JEHOVA.

NANGASAWA SI SOLOMON SANG MGA WALA NAGAALAGAD KAY JEHOVA, KAG GINSIMBA NIYA ANG ILA MGA DIOS.

SANG GINBIYAAN NI SOLOMON SI JEHOVA, NANGIN MAPINTAS SIA KAG MADALI MAAKIG.

GANI NAGREBELDE ANG KATAWHAN KAY SOLOMON.

HARI GIHAPON SI SOLOMON. PERO NAAKIG SI JEHOVA SA IYA, KAG INDI NA MALIPAYON SI SOLOMON.

ANO ANG MATUN-AN NATON SA SINI NGA ISTORYA?

PAANO NANGIN MAALAM SI SOLOMON?

CLUE: 1 HARI 3:7-9, 12.

ANO ANG DAPAT HIMUON NI SOLOMON PARA MANGIN MAAYO SIA NGA HARI?

CLUE: 1 HARI 3:14.

ANO ANG DAPAT HIMUON SANG TANAN NGA TAWO, BISAN ANG MGA MAALAM, PARA MANGIN MALIPAYON GID SILA?

CLUE: ISAIAS 48:17, 18.